



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

Sessio XXI.

urn:nbn:de:hbz:466:1-15653

eti, si quis interuenisset, suppleuit, si & in quantum opus
esset.

ANNO
CHRISTI
1459.

Item, duo collegia cardinalium vniuit, & vnum fecit collegium, & pro vno in posterum voluit haberi; & dabit singulis singulostitulos, & de concurrentibus ordinabit.

Item impedimentum appositum in beneficiis cardinalis de Chalanco, sub prætextu, quod diu steterat cum Petro de Luna, sub prætextu suarum excusationum, alias per cardinales admissarum, relaxauit.

Item dixit, quod tantum faceret erga prælatos qui ad Concilium venerant, quod ad eorum lares læti & gaudentes reuerterentur.

Item dixit, quod ipse volebat vacare circa reformationem ecclesiæ, prout fuerat per cardinales promissum ante eius promotionem, & quod eligerentur probi viri & literati de qualibet natione, pro suis, ad deliberandum cum ipsis cardinalibus ad reformationem ecclesiæ.

Item fuit ordinatum, quod die dominica sequenti coronaretur cum solennitatibus, & aliis necessariis ad præmissa.

Item fuit ordinata alia sessio ad diem Mercurii tunc proxime sequentis, quæ erit die decima mensis Iulii: & sic dictum Concilium recessit.

SESSIO XXI.

Qua die Mercurii decima Iulii adueniente, Missa celebrata per archiepiscopum Ianuensem, & aliis ceremoniis seruatis circa officium diuinum, domino nostro papa præfidente, pro parte communitatis Florentinorum ascendit quidam iurisperitus pulpitem, incipiens pro themate, *Offer te Domino tuo, & redde ei debitum tuum.* In hoc themate cepit tria intelligenda. Primum fuit veneratio, secundum gratulatio, & tertium oblatio. Veneratio debita tantæ & tam solenni congregationi prælatorum & aliorum Concilium generale constituentium. Secundum, gratulatio quam habebant Florentini de tam nobili aggregatione, quam pro tanto bono venerantur, vt finem debitum & intentum inueniat, sanctam scilicet vnionem ecclesiæ in vnico vniuersali vero & indubitato pastore. Tertium fuit oblatio. Nam postquam dixit labores, miserias & ambafiatas

ANNO
CHRISTI
1409.

fiatas quas communitas Florentina fecerat in persecutio-
ne vnionis ecclesie, addidit quod ciuitas prædicta se of-
ferebat secundum possibilitatem & vsque ad excidium
proprium, prosequi extirpationem schismatis: & literas
exhibuit credentia, quas legit postmodum archiepiscopus
Pisanus.

Postea vnus alius iurisperitus ex parte ciuitatis Sena-
rum ascendit pulpitem, & tria ex parte ipsorum exposuit.
Primo diuinum auxilium implorauit: secundo orationem
suam se abbreviaturum protestatus fuit: tertio condescen-
suros ad ea quæ sibi commissa fuerant. Primitus dicere
habuit, quod quarta Iulii totus populus & clerus Senarum
subtraxerat obedientiam Gregorio, & declarauerat se vel-
le obedire domino nostro papæ Alexandro, & suo sancto
collegio. Recitauit diligentias & labores quos ciuitas Sena-
rum fecit prosequendo vnionem, & accepit pro thema-
te: *Populus gentium qui ambulabat in tenebris, vidit lucem ma-
gnam*, Isaia 9. quod applicuit populo Senarum pro tempo-
re quo obediuit Gregorio. Sed postquam conuersus est ad
obedientiam domini nostri papæ, vidit lucem magnam. Se-
cundum thema quod applicuit sacro Concilio ecclesie fuit
genus electum, regale sacerdotium, gens sancta, populus
acquisitionis quem reuocauit de tenebris ad manum suam:
& omnes partes huius thematis ostendit debite conuenire
huic sacro Concilio. In fine dixit, ciuitatem Senarum pa-
ratam exponere quidquid haberet ad prosecutionem vn-
ionis & extirpationem schismatis. Et recitauit quod ini-
mici domini nostri papæ succumbebant quotidie, & quod
in vno conflictu recenter facto magna multitudo inimi-
corum perierat. Quibus sic actis, cardinalis de Chalanco
ascendit pulpitem, & legit schedulam infra scriptam.

In nomine sanctæ & indiuiduæ Trinitatis, Patris & Filii &
Spiritus sancti. Amen. Nos Alexander diuina prouidentia
papa V. considerans, quod tam per Petrum de Luna, Be-
nedictum XIII. & Angelum de Corario, Gregorium XII.
a nonnullis nominatos, nuper de papatu contendentes,
* quoniam per duos quondam, Bartholomæum archiepi-
scopum Barensem, Vrbanum VI. Petrum de Thomacellis,
Bonifacium IX. Cosmatum, Innocentium VII. & Rober-
tum de Gebenna, Clementem VII. nominatos, dictorum

* f. quam
per

Concil. Tom. 29.

E c

nuper contententium prædecessorum, durante tempore schismatis & occasione eiusdem, nonnulli processus, sententias excommunicationum, priuationis, irregularitatis, inhabilitationis, suspensionis & interdicti, & alias censuras ecclesiasticas in se continentes, in & contra collegia, diuifas personas, regna, iurisdictiones, communitates, vniuersitates, collegia, loca, distractus & territoria, fuerunt & sunt hinc inde facti & promulgati, ac propter antiquos dictum schisma, ac etiam quia multi notabiles doctores vtriusque iuris, & magistri in sacra pagina scripserunt pro & contra, ac publice & solenniter determinauerunt, ita vt in dubium vertatur a multis, quis a tempore dicti schismatis fuerit verus Romanus pontifex, seu quis veri vicarii Iesu Christi fungeretur officio, ad exonerationem conscientiarum vtriusque obedientiæ, quæ etiam per Dei gratiam ad vnum ouile ouium redactæ sunt; omnes & singulos huiusmodi processus & sententias, qui vel quæ occasione prætextu schismatis & adhærentiæ vtriusque partis seu viæ neutralitatis assumptæ vel introductæ, hinc inde, vt præmittitur, lati, decretati, seu fulminati fuerunt: quos omnes & singulos hic pro expressis haberi volumus, hoc sacro approbante Concilio, ex nostra certa scientia tollimus & abolemus, ac pro sublatis & abolitis in perpetuum haberi volumus, nomine præfatis sententiis aut processibus esse ligatū vel inuolutum declarantes, & nihilo minus ex abundanti ad cautelam, ac si & in quantum indigent, quoscumque subditis processibus comprehensos a dictis sententiis & censuris absoluimus, & absolutos haberi decernimus & declaramus, & super irregularitatibus, si quas propter præmissa vel occasione præmissorum contraxerint, dispensantes.

Item fuit ordinatum, aliam sessionem fieri debere ad diem Mercurii tunc proximam, quæ postea fuit de mandato domini nostri papæ prorogata propter aduentum regis Ludouici interim superuenientis ad diem vigesimam septimam Iulii.

SESSIO XXII.

Qua die vigesima septima Iulii adueniente, Missa, ceremoniis, & aliis solennitatibus seruatis, dominus cardinalis de Chalanco indutus tunica diaconali & mitra, de

ANNO
CHRISTI
1409.* f. anti-
quum* f. &
pizera* f. neni-
nem